



## I. Determinaziuns generalas

### **Num e sedia**

#### **01 Num e sedia**

Sut il num Forum cultural Breil exista in'uniun el senn da Art. 60 ss CCS cun la sedia en Vischnaunca da Breil. L'uniun ei confessiunal- e politicamein neutrala.

### **Intent**

#### **02 Intent**

L'uniun ha gl'intent da tgorir e promover la cultura en la Vischnaunca da Breil.  
Las activitads cumpeglan las suandontas tematicas:

- a) **Intermediaziun:** usits e tradiziuns, art ed artisanadi, guidas culturalas
- b) **Lungatg:** lungatg romontsch, dialect local, fatscha dils vitgs
- c) **Historia:** historia locala, archiv cultural
- d) **Architectura:** baghetgs culturhistorics, plazzas commemorativas
- e) **Cultira:** sendas e plazzas culturhistoricas, numbs locals
- f) **Occurrenzas:** commemoraziuns, excursiuns, referats
- g) **Publicaziuns:** documentaziuns, broschuras, pagina da casa

## II. Commembradi

### **03 Commembers activs**

Commeber activ sa mintga persuna naturala e giuridica che ha interess pils fatgs culturals dalla vischnaunca da Breil daventar.

### **04 Commembers passivs**

Commebers passivs ein persunas naturalas e giuridicas che sustegnan l'uniun finanzialmein. Els han negin dretg da vuschar ed ein buca elegibels.

## III. Organs

### **05 Ils organs dall'uniun ein:**

- a) la radunanza generala,
- b) la suprastonza,
- c) ils revisurs da quen,
- d) assessurs.

La perioda d'uffeci cuoza dus onns.

### **La radunanza generala**

#### **06 La radunanza generala**

ei il suprem organ dall'uniun. Ella vegn convocada dalla suprastonza ni dad 1/5 dils commembers activs. La convocaziun sto vegnir fatga cun indicaziun dallas tractandas sin la pagina da casa ed el FUS sil pli tard 10 dis avon la radunanza. Sil pli pauc ha liug ina radunanza generala ad onn.

Ella s'occupa da suandontas fatschentas:

- a) Apporobaziun dil protocol dalla davosa radunanza,

- b) Prelecziun dil apport annual,
- c) Approbaziun dil quen annual,
- d) Approbaziun dil program da laver,
- e) Fixaziun dallas contribuziuns annualas,
- f) Elecziun dallas suprastonza e dils revisurs
- g) Revisiun dils statuts

Tut tas decisiuns sco era las elecziuns vegnan pridas cul pli dallas vuschs dils votants.

## **La suprastonza**

### **07 La suprastonza**

secumpona da 5 commemmers. Ella seconstituescha sezza e secumpona dil president, actuar, cassier e dus assessurs.

La suprastonzs liquidescha las fatschentas currentas. Il president representa l'uniun e meina las radunonzas e sedutas. Igl actuar substituescha il president e scriva ils protocols dallas radunonzas e sedutas. Il cassier meina il quen ed incassescha las contribuziuns. Ils assessurs surprendan differentas incumbensas en favur dall'uniun.

## **Revisurs**

### **07 Ils revisurs da quen**

revedan il quen annual e la facultad dall'uniun e dattan rapport per mauns dalla radunanza generala.

## **IV. Finanziaziun e contribuziuns / Mieds finanzials**

### **08 Per contonscher las finamiras dispona l'uniun da suandonts mieds finanzials:**

- contribuziuns dils commembers activs,
- contribuziuns dils commembers passivs,
- contribuziuns da sponsurs e donaturs,
- contribuziuns da sustegn.

## **V. Determinaziuns finalas**

### **Midadas**

### **09 Ina revisiun parziale ni totala dils statuts**

sa vegnir fatga sin proposta dalla suprastonza ni dad 1/5 dils commembers. Per quei intent drova ei 2/3 dallas vuschs dils presents.

### **Soluziun**

### **10 La soluziun dall'uniun**

sa mo la radunanza generala decider e quei cun silmeins 2/3 dils presents. Ina eventuala facultad duei vegnir impundida per la cultura ella Vischnaunca da Breil.

### **Vigur**

### **11 Vigur**

Quels statuts van en vigur cun l'approbaziun a caschun dalla radunanza general dil "Forum cultural Breil" dils 25 da november 2018 e remplazzan ils statuts dils 02-10-2010 e dils 06-12-2015.

Breil, ils 25 da november 2018

il president Michael Friberg

igl actuar Andreas Pfister